

摘藻堂四庫全書薈要

史部

欽定四庫全書薈要

史部

御批歷代通鑑輯覽卷九十三



詳校官原任主事_臣李斯咏

欽定四庫全書蒼要卷七千五百四十六

御批歷代通鑑輯覽卷九十三

宋



皇帝

祐十一年

蒙古憲宗元年

夏六月蒙古主莽賚扣立

是為憲宗

初定宗殂久未立君中外洶洶至是諸王穆格

舊作木哥

及大將烏特哩哈達

蘇布特之子舊作兀良合台今並改

等咸會議所立

時定宗后所遣使者在坐曰昔太宗命以皇孫錫哩瑪勒

為嗣諸王百官皆與聞之今錫哩瑪勒故在議欲他屬將
寘之何地耶烏特哩哈達等不聽共推莽賚扣即位於奎

騰敖拉

舊作濶帖元
阿蘭今改

之地追尊其考圖類為帝

廟號
睿宗

錫

哩瑪勒及諸弟心不平莽賚扣因察諸王有異同者並羈
縻之取主謀者誅之遂頒便宜事于國中罷不急之役
凡諸王大臣濫發牌印詔旨宣命盡收之政始歸一

秋七月蒙古主命其弟呼必賚總治漠南開府金蓮川

在宣化府赤城縣獨石口北方輿紀要金世宗

納涼之地產黃花狀若芙蓉而小川故以名

詔凡軍民在漠南者聽呼必賚總之遂開府于金蓮

川時姚樞隱居蘇門呼必賚遣趙璧

字寶仁雲
中懷仁人

召之

樞至大喜待以客禮樞乃為書數千言上之首陳帝王之道與治國平天下之大經景為八目曰修身力

學尊賢親親畏天愛民好善遠佞次及救時之弊為條三十呼必賚竒其才動必召問樞因言于呼必賚

曰今土地人民財賦皆在漠地王若盡有之則天子何為後必有間之者矣不若維持兵權凡事付之有

清之資緣權相
狼狽為奸實已
終身之玷雖端
平初正人或由
引用特藉以釋
衆憾而謝譏評
非真為賢為國
也史稱其不好
立異若有怨詞
而不知其失足

司則勢順理安呼必賚從之

元世祖
事始此

蒙古遣察罕等將兵分道侵淮蜀

冬十一月鄭清之卒

清之以老病固求解政遂以太傅充醴泉觀使奉朝

請越六日而卒

清之不好立異自與史彌遠議廢立
得至宰輔然端平之初召用正人清

之之力也其再相則年益衰暮政歸妻
子開廢之人或因緣以賄進為世所少

以謝方叔

字德方
威州人

為左丞相吳潛為右丞相並兼樞密使

是時二揆虛席嵩之貨遊士上書薦已宣傅麻制已

在前不復能與
彌遠相抗則始
終一依阿洪惡
之流豈特晚節
頹唐與兵啟禍
貽誚當世已哉

下衆心洶洶及聽宣制則方叔潛也始帝欲相嵩之
中夜忽悟召學士改相二人

蒙古呼必賚置經畧司于汴分兵屯田

自庫騰取漢上諸郡因留軍戍境上繼而襄樊壽泗
復降而壽泗之民盡為軍官分有由是降附路絕雖
歲侵淮蜀軍將唯利剽殺城無居民野皆榛莽至是
呼必賚從姚樞之請置經畧司于汴以孟克史天澤
楊惟中趙璧為使俾屯田唐鄆等州授之兵牛敵至

則戰退則耕田西起襄鄧東連清口

注見前

桃源

本桃園鎮

元置縣後謫園為源今縣屬淮安府

列障守之

蒙古號西域僧納摩

舊作那摩今改

為國師

納摩西域竺乾國人與兄鄂多齊

舊作幹脫赤今改

俱學浮屠

定宗嘗命鄂多齊佩金符奉使省民瘼至是蒙古

主復尊禮納摩令總天下釋教鄂多齊亦貴用事

壬子十二年春二月乙卯朔日食

蒙古主莽賚扣徙諸王于邊殺定宗后烏拉海額實

竄錫哩瑪勒於摩多齊

地名方輿紀要在和林西北舊作沒脫赤今改

蒙古主莽賚扣以諸王欲立錫哩瑪勒乃徙太宗后克

勒奇呼塔納

舊作乞里吉忽帖尼今改

于奎騰傲拉地之西分遷

諸王子各邊以太宗后妃家貲分賜諸王定宗后及

錫哩瑪勒母以厭禳並賜死禁錮錫哩瑪勒于摩多齊之

地

夏六月閩浙大水

嚴衢婺信台處建劍邵同日大水冒城郭漂室廬人

民死者以萬數詔遣使分行賑卹之徐清叟言漢時
關中大水翼奉以為后親舊之故今宜少抑宦官戚
畹以回天意

蒙古分漢地封宗屬

蒙古主以中州封同姓命弟呼必賚于汴京關中自
擇其一姚樞曰南京河徙無常土薄水淺瀉鹵生之
不若關中呼必賚遂請于蒙古主蒙古主曰關中戶
寡河南懷孟地狹民夥可取自益由是盡有關中河

本史于余玠忽
德忽貶迄無定
論夫余玠帥蜀
時慷慨自許固
不免大言不慙
其狃于小捷而
驕尤失之淺率
然其出兵本意

南之地呼必賚遂分遣使戍興元諸州又奏割河東
解州鹽池以供軍立從宜府于京兆屯田鳳翔募民
受鹽入粟轉漕嘉陵

秋八月蒙古使呼必賚將兵擊大理

冬十月蒙古兵入嘉定府

蒙古汪德臣將兵掠成都薄嘉定四川大震守將俞
興元用等夜開闕力戰始解去議者謂余玠出師之
誤有以召之

則未可盡非雖
與元遇敵無功
亦未嘗有所挫
夫若蒙古之侵
掠蜀地自庫騰
之臨成都已然
不獨此時也乃
以嘉定被攻歸
咎余玠不過當
時庸懦畏兵之
流妄勝口說豈
得為確論哉

十一月詔求直言

時臨安火三日乃熄詔求直言帝又諭輔臣曰近來
早朝多奏臣下辭免等細事而事體大者乃從繳進
甚非臨朝聽政之意自今宜就早朝面奏

癸丑 寶祐元年春正月詔以與芮子禛為皇子封永嘉郡王

時帝在位歲久無子羣臣屢以為言至是下詔以女
弟嗣榮王與芮子孜為皇子賜名禛封永嘉郡王明
年進封忠王

二月己酉朔日食

蒙古城利州

蒙古汪德臣先城沔州至是又城利州且耕且守蜀土不可復矣

夏五月召余玠還六月以余晦為四川宣諭使

初利州都統王夔素殘悍虢王夜叉恃功驕恣桀驁不受節度所至剗掠蜀人苦之玠至嘉定夔帥所部兵迎謁班聲如雷江水為沸旗幟精明舟中皆戰掉

失色而玠自若也徐命吏班賞夔退謂人曰儒者中
乃有此人玠久欲誅夔獨患其握重兵居外謀于親
將楊成成曰今縱弗誅養成其勢後一舉足西蜀危
矣玠意遂決夜召夔計事潛以成代領其衆夔纔離
營而新將已單騎入矣夔至玠斬之會戎州帥欲舉
統制姚世安為代玠素欲革軍中舉代之弊以三千
騎至雲頂山下

在潼川府三臺縣南
迤邐層疊有若雲盤

遣都統金某往

代世安世安閉關不納而世安素結丞相謝方叔子

姪至是求援于方叔方叔遂倡言玠失戎利心帝惑
之世安乃與玠抗玠鬱鬱不樂玠專制西蜀凡有奏
疏詞氣不謹帝不能平會徐清叟入對語及玠因言
玠不知事君之禮陛下何不出其不意而召之帝不
答清叟曰陛下豈以玠握大權召之或不至耶臣度
玠素失士心必不敢帝然之乃以資政殿學士召而
以知鄂州余晦為宣諭使

尋授制
置使

秋七月資政殿學士余玠暴卒

玠之治蜀也任都統張實治軍旅安撫王惟忠

字肖曾鄴

人治財賦監簿朱文炳接賓客皆有常度自竇慶以

來蜀間未有及之者然久假便宜之權不顧嫌疑昧于勇退遂來讒賊之口又置機捕官雖足以廉得事情然寄耳目於羣小故人多懷疑懼至是聞名不自

安一夕暴疾卒或謂仰藥死蜀人莫不悲之

明年侍御史吳

玠等劾玠聚斂罔利七罪詔籍錄玠家財以攜師賑邊其子如孫認錢三十萬徵之累年始足

冬十二月蒙古呼必賚滅大理遂入吐蕃降之

呼必賚以烏特哩哈達總諸軍事分三道以進自臨洮

今鞏昌府洮州衛金元時屬臨洮府蓋由此取道自洮岷而松潘以達雲南也

經行山谷二

千餘里至金沙江

即古鹿水以產金沙故名源出西番流迺雲南鹿江諸府境下流至

四川馬湖入大江

乘革囊及棧以濟摩莎蠻主

今鹿江府唐宗時為摩莎

蠻地迎降進薄大理城大破其兵虜其王段智興

段氏自石

晉天福初建國曰大理至宋熙寧中段氏絕高氏代之元符初段氏復興號後理國至是始亡

分兵

取附都鄯善

當作鄯闐滇記蒙氏名都曰苴咩別都曰鄯闐苴咩今大理府鄯闐今雲南府

也

烏爨

注詳後

等部進入吐蕃其酋蘇固圖

舊作唆火脫今

改 懼出降兵威所加鮮不款附呼必賚遂班師留烏
特哩哈達攻諸夷之未附者

甲寅 二年春正月蒙古呼必賚以姚樞為京兆勸農使

樞從呼必賚征大理嘗遇夜宴陳宋太祖遣曹彬取
南唐不殺一人市不易肆事明日呼必賚據鞍呼曰
汝昨夕言曹彬不殺事吾能為之吾能為之及師至
大理呼必賚命樞裂帛為旗書止殺之令分號街陌
由是民得相完呼必賚既還京兆以樞為勸農使教

民耕植

二月余晦遣兵城紫金山

在潼川府
鹽亭縣北

蒙古罷取之

紫金山蜀之要地余晦遣都統甘閏以兵數萬城之
蒙古汪德臣選精卒銜枚夜進大破之閏僅以身免
城遂為蒙古所據

夏六月加賈似道同知樞密院事

名余晦還閏月以李曾伯為四川宣撫使置司夔州
初晦帥蜀制下徐清叟奏曰朝廷命令不甚行于西

蜀者十有二年今者天斃余玠乃陛下大有為之機也今以素無行檢輕儇浮薄不堪任重如余晦者當之臣恐五十四州軍民不特望而輕鄙之蒙古聞之亦且笑中國之無人矣伏乞收回所除內批帝不聽及晦在蜀屢敗邊事日急帝乃召晦還而以李曾伯

代晦

秋九月殺利州西路安撫使王惟忠

惟忠以余晦鎮蜀心輕之呼其小字曰余再五來也

晦怒誣奏惟忠潛通北國詔下大理獄勘官陳大方
鍛成其事遂斬于市血上流而色不變且謂大方曰
吾死訴于天未幾大方亦死

冬十一月蒙古呼必賚以廉希憲

字善用輝和爾人博囉哈雅子博囉哈雅

舊作布魯海牙今改

為京兆宣撫使

希憲篤好經書一日方讀孟子聞召因懷以進呼必
賚問其說希憲以性善義利仁暴之旨為對呼必賚
善之目為廉孟子又一日與諸貴臣校射連發三中

衆驚服曰真文武材也呼必賚自大理還以京兆分地置宣撫司命希憲為使京兆控制隴蜀諸王貴藩分布左右民雜戎羗尤號難治希憲講求民病抑強扶弱境內大安

蒙古張柔城亳州

柔以連歲動兵兩淮艱于糧運奏請據亳之利蒙古主乃召柔率山前八軍城而戍之柔又以渦水北隘淺不可舟軍既病涉曹濮魏博粟皆不至又以百丈

文時武弛于外
文恬于內民怨
于下所以于天
怒者多矣區區
罷張燈一事豈
足以格天心

口在亳
州南為宋往來之道俱築甬路一自亳而汴一自

亳而南置堡立柵密為偵邏由是糧無不達

卯乙三年春正月迅雷罷元夕張燈

起居郎牟子才字存容
井研人上疏言元夜張燈侈靡倡優

下賤竒技獻笑媠汙清禁上累聖德今震霆示威願
聖明覺悟天意可回帝納其言

二月治金子才等喪師罪罷其祠祿

蒙古侵漢蜀荆淮帝深憂之給事中王栻字子文
金華人言

國家與蒙古本無深仇而兵連禍結皆原于入洛之師輕而無謀遂致隻輪不返乞罷金子才劉子澄祠祿以為喪師誤國之戒從之

蒙古呼必賚徵許衡

字平仲河南人徙河南

為京兆提學

衡幼有異質稍長嗜學如饑渴然遭世亂且貧無書

嘗從日者家得書疏義避難徂徠山

在泰安府東南水經注山多松

柏詩所謂徂徠之松也

得王弼易說夜思晝誦言動必揆諸義

既而亂少定往來河洛間從姚樞得程朱氏書益大

有得尋居蘇門與樞竇默

字子聲初名傑字漢知廣平肥鄉人

相講習

慨然以道自任嘗語人曰網常不可一日亡于天下苟在上者無以任之則在下之任也是時秦人新脫于兵欲學無師聞衡來人人莫不喜幸于是郡縣皆建學民大化之

三月雨土

夏五月四川地震閩浙大水

以官者董宋臣幹辦佑聖觀

宋臣迎逢上意起梅堂芙蓉閣香蘭亭豪奪民田引

倡優入宮招權納賄無所不至人以董閻羅目之監

察御史洪天錫

字君疇 泉州晉江人

上疏言天下之患三曰宦

官外戚小人蓋指宋臣及謝堂厲文翁

字聖錫 東陽人

帝俾

天錫易疏欲自戒飭之天錫又言自古姦人雖憑怙

其心未嘗不畏人主之知苟知之而止于戒飭則憑

怙愈張不若未知之為愈也不報

六月以丁大全

字子萬 鎮江人

為右司諫

大全面藍色為戚里婢婚黃緣閭妃及內侍盧允升
董宋臣遂得寵于帝自蕭山尉累拜右司諫時正言
陳大方侍御史胡大昌與大全同除人目為三不吠
犬

罷監察御史洪天錫秋七月謝方叔徐清叟免

天錫以時雨土其異為蒙力言陰陽君子小人之辨
又言蜀中地震閩浙大水上下窮空遠近嗟怨獨貴
戚宦閭享富貴耳舉天下窮且怨陛下能獨與數十

人者共天下乎會吳民列愬官官董宋臣奪其田天
錫下其事有司而御前提舉所謂田屬御莊不當白
臺儀鸞司亦牒常平天錫謂御史所以雪寃常平所
以均役若中貴人得以控之則內外臺可廢猶為國
有紀綱乎乃申劾宋臣併盧允升及言修內司止于
供繕修比年動曰御前姦職之老吏逃遁之兇渠一
竄名其間有司不得舉手狡者獻謀暴者助虐其輟
轉而受害者皆良民也願毋使史臣書之曰內司之

橫自今始疏六七上悉留中天錫遂去宗正寺丞趙
崇嶠移書責丞相謝方叔不能正救而讒者又曰天
錫之論方叔意也于是監察御史朱應元論罷方叔
及參知政事徐清叟宋臣永升猶以為未快厚賄人
上書力詆天錫方叔且乞誅之使天下明知宰相臺
諫之去出自獨斷于內待初無預焉于是方叔出提
舉洞霄宮

西南夷盡降蒙古

烏特哩哈達自吐蕃進攻白蠻烏蠻及鬼蠻諸部

考唐書南

蠻傳蠻有東西蠻西蠻謂之白蠻東蠻謂之烏蠻又

有大勃弄有小勃弄蠻俗大都好鬼謂主祭者曰鬼

主故又謂之鬼蠻也

皆在今雲南諸府境

所向莫不風靡羅羅斯及阿伯

兩國

與下阿魯俱蠻部名

大懼舉國以降又乘勝攻下阿魯諸

酋西南夷悉平得五城八府四郡蠻部三十七

八月以董槐

字庭植濠州定遠人

為右丞相兼樞密使

槐嘗言于帝有害政者三一戚里不奉法二執法大

吏擅威福三皇城司不檢士三害不去政且廢願自

上除之于是嫉之者滋甚

丙辰四年春三月以蒲擇之為四川制置使置司重慶

夏四月加賈似道參知政事

職任依舊似道威權日盛臺諫嘗論其二部將即毅

然求去孫子秀

字元實
餘姚人

新除淮東總領外人忽傳似

道已密奏不可矣執政遂不敢遣子秀以似道所善

陸壑

字景思
會稽人

代之其見憚如此

五月賜禮部進士文天祥

字宋瑞又字履善吉水人

及第

天祥以法天不息為對其言萬餘帝親拔為第一考

官王應麟

字伯厚慶元府人

奏曰是卷古誼若龜鑑忠肝如

鐵石臣敢為得人賀

六月丁大全逐右丞相董槐詔罷槐提舉洞霄宮竄太

學生陳宜中

字與權永嘉人

等于遠州

槐自以為人主所振拔苟可以利國家者無不為時
帝年寢高操柄獨斷羣臣無當意者漸喜狎佞人丁
大全方諂事內嬖得侍御史竊弄威權帝弗覺悟大

大全刻求槐短
絕不一露端倪
以靜待槐之舉
動而槐入告果
極言其邪佞不
覺已墮其術中
尚安望能聽納
乎理宗未嘗短
卿卿勿疑之語
論者止譏其曲
事調傳不知理
宗亦為大全所
愚迷而不悟意
中國已輕重而
重丁致于違言
之時不復能察

全嘗遣客私于槐槐曰吾聞人臣無私交吾惟事上
不敢私結約幸為謝丁君大全度槐終不容已乃日
夜刻求槐短槐入對極言大全邪佞不可近帝曰大
全未嘗短卿卿弗疑槐曰臣與大全何怨顧陛下拔
臣至此臣知大全姦邪而噤不言是負陛下也且陛
下謂大全忠而臣以為姦不可與俱事陛下矣上書
乞骸骨不報大全益怨之乃上章劾槐章未下大全
夜半以臺檄調隅兵百餘人露刃圍槐第驅迫之出

其曲直一指之
蔽不見泰山矧
小人巧偽百出
理宗烏足以語
此

給令輿槐至大理寺欲以此脅之須臾出北閤棄槐
詔呼而散槐徐步入接待寺罷相之制始下物論殊
駭三學生屢上書言之乃詔槐以觀文殿大學士提
舉洞霄宮大全既逐槐益恣橫用事道路以目太學
生陳宜中黃鏞林則祖曾唯劉黻字毅伯
樂清人陳宗六人
上書攻之大全怒使御史吳衍劾之削其籍編管遠
州立碑三學戒諸生勿得妄議國政士論翕然稱宜
中等號為六君子

秋七月以程元鳳

字申甫
徽州人

為右丞相兼樞密使

九月監察御史朱熠

溫州平
陽人

乞汰冗吏不報

熠言境土蕩而賦斂日繁官吏增而調度日廣景德
慶歷時以三百二十餘郡之財賦共一萬餘員之俸
祿今日以一百餘郡之事力贍二萬四千餘員之冗
官邊郡則有科降支移內地則欠經常納解欲寬民
力必汰冗員帝嘉之而不能

蒙古城開平府

在宣化府獨石口東北本金桓州地元
置府後加號上都明改衛永樂中徙衛

子獨石故

城遂廢

初邢臺人劉秉忠

字仲晦

英爽不羈以家貧為府令史

一日因案牘事不愜意嘆曰吾家奕世衣冠今乃汨

沒為刀筆吏乎即棄去隱居武安山

武安縣之山也
武安注見前

尋為僧於天寧寺往來雲中值呼必賚遣人召僧海

雲邀秉忠與俱既入見應對稱旨秉忠于書無所不

讀尤邃于易及邵氏經世書至于天文地理律歷三

式六壬遁甲之屬無不精通論天下事如指諸掌呼

必賚大愛之凡征伐謀議皆與至是蒙古主欲建城

市修宮室為都會之所呼必賚以秉忠薦因命相宅

秉忠以桓州

注見前

東灤水

注亦見前

北之龍岡

即古岡龍山在古關

平城北今名巴罕呼喇呼山

為吉詔秉忠營之命曰開平府

冬十一月以張磻

字渭老福州人

同知樞密院事丁大全簽書

院事馬天驥

字德夫衢州人

同簽書院事

時閻妃怙寵大全天驥用事有無名子書八字于朝

門曰閻馬丁當國勢將亡

十二月罷知嚴州吳槃

帝以御寶黃冊催內藏坊場錢槃奏言內庫理財太急督促太峻龍章鳳篆施于帑藏之催科寶冊泥封下同官吏之文檄居萬乘之崇高而商財賄之有無事雖至微關係甚大董宗臣諷臺諫邵澤劾罷之

丁巳五年春正月加賈似道知樞密院事召吳淵

字道文
潛之兄

參知政事淵未至卒

淵有才畧所至有能名然政尚嚴酷好興羅織之獄

籍入豪橫故時有蜈蚣之謠至是自荆湖制置使召
還未至卒

蒙古罷呼必賚開府命阿拉克岱爾行省事於京兆

或讒呼必賚得中土心蒙古主遣阿拉克岱爾行省

于京兆劉太平佐之鈎考諸路財賦置局關中推集

經畧宣撫官吏下及征商鍛鍊羅織無所不至曰俟

終局日入此罪者惟劉哈瑪爾

舊作黑馬今改

史天澤以聞

餘卷誅之呼必賚不樂姚樞曰帝君也大王為皇弟臣也

事難與較遠將受禍莫若盡王邸妃主自歸朝廷為
久居謀疑將自釋及呼必賚見蒙古主皆泣下竟不
令有所白而止因罷鈎考局而呼必賚所署置諸司
皆廢

蒙古攻襄陽入其郛

蒙古董文蔚

字彥華真定藁
城人俊次子

既城光化棗陽儲餼糧

會攻襄陽樊城南據漢江北阻湖水卒不得渡文蔚
夜領兵于湖水狹猛處伐木拔根立於水實以薪草

為橋頃之即成至曉兵悉渡圍已合城中大驚文蔚
復統軍前行奪外城襄陽守將高達力戰于白河乃
還

夏六月蒙古將烏特哩哈達入交趾屠其城

烏特哩哈達兵入交趾遣使諭降皆見囚及兵至洮江

即富良江上流在安南國臨洮府北輿程考雲南入
交趾有二道自洮江而分一循江之左一循江之右

交人戰敗其王陳日照走海島蒙古得前所遣使于
獄中以破竹束體入膚比釋縛一使死囚屠其城留

九日以熱不能堪班師

秋八月蒙古主莽賚扣分道南侵以其少弟額呼布格
守和林

蒙古諸王伊遜克

舊作亦孫哥

駙馬約索爾

舊作也速兒今並改

等

請伐宋蒙古主亦怒前使者被囚

先是伊拉瑪斯等被囚久之伊拉瑪

斯死餘使者至寶祐二年始釋還

乃命諸王額呼布格居守和林阿

拉克岱爾輔之自將南侵軍四萬號十萬分三道而入

蒙古主由隴州趨散關諸王摩格由洋州趨米倉

山名

在保寧府南江縣北
與大巴山接舊有關

萬戶布爾察克

舊作李里
又今改

由潼

關趨沔州

回鶻貢于蒙古

回鶻獻水晶盆珍珠傘等物可值銀三萬餘錠蒙古

主曰方今百姓疲弊所急者錢爾朕獨有此何為却

之賽音諤德齋

舊作賽典
赤今改

以為言蒙古主稍償其值

且禁其勿復有所獻

戊午六年春二月以馬光祖為京湖制置使

光祖為松江制置辟名僚屬皆極一時之選至是移

鎮江陵以汪立信

六安人
激從孫

呂文德王登

字景宋
德安人

王鑑

為參議官

蒲擇之率兵復成都及蒙古戰敗績乃還

蒙古耨埒

沙上珠也人舊作紐璘沙
卜珠也舊作珊竹帶今改

將前軍欲會都

元帥阿達哈

舊作阿答
胡今改

於成都擇之遣安撫劉整

武字

仲鄜州
穰城人

等據遂寧江箭灘渡

在潼川府遂寧縣
東涪江津濟處

以斷

東路耨埒軍至不能渡自旦至暮大戰整等軍敗耨

埒遂長驅至成都擇之命楊大淵

天水人

等守劍門及

靈泉山

在遂寧縣東數峯壁立山頂沅泉不竭

自將兵取成都會阿達

哈死耨埒率諸將大破大淵等于靈泉山進圍雲頂山城扼其歸路擇之兵潰城中食盡殺主將以降成都彭漢懷綿等州威茂諸蕃悉降蒙古

蒙古入西域平克實密爾

方輿記要在拂菻北拂菻在西海上杜佑曰拂菻西瀕海

東南接波斯是也舊作乞石迷今改

諸國

初蒙古主遣宗王轄魯伐西域至是轄魯以綽勒們諾

延

舊作抄馬
那顏今改

郭侃總統諸軍前後平西域克實密爾十

餘國轉鬪萬里又西渡海收富浪國遣使獻捷實喇

遂留鎮西域

夏四月程元鳳罷以丁大全為右丞相兼樞密使

時大全謀奪相位元鳳謹飭有餘而乏風節遂力請
罷

秋九月蒙古主莽賚扣八劔門冬十一月陷鵝頂堡

在保

寧府昭化縣西南方輿紀要頂當作
項劔州南有鵝項嶺堡蓋以此名

諸城

耨埒聞蒙古主攻漢中遂留密喇卜和卓

舊作窩里霍者今改

劉哈瑪爾等守成都自帥衆渡馬湖

金沙江下流也舊置府于此今

併入叙州府江由此入于大江

獲守將張實

考元史耨埒傳耨埒父塔爾入重慶獲張實

與續綱目不同

遣招苦竹隘

在保寧府劍州北小劍山頂西際斷崖前臨巨壑

實入

隘遂與守將楊立堅守蒙古主渡嘉陵江

注見前

至白

水

即白水江自陝西階州文縣流逕昭化縣西北又東南合嘉陵江

命總帥汪德臣

造浮橋以濟進次劔門至苦竹隘使其將史樞

字子明天

晚弟天全之子

急攻取之楊立迎戰于巷敗死蒙古獲張實

殺之因殲其餘衆十一月進圍長寧山

在昭化縣西南上平下陰

守將王佐徐昕戰敗蒙古進攻鶯頂堡知縣王仲降

城遂破佐死焉蒙古主入城殺佐之子及徐昕等四

十餘人由是青居

山名在順慶府南充縣南宋末徙順慶府治此

大良

注見前

運山

當作雲山注見前

石泉

唐縣今屬龍安府

龍州

今龍安府是

守將劉

淵蒲元珪張大悅趙順等俱以城降惟運山轉運使施擇善不屈死蒙古諸王摩格塔齊爾並畧地還引

兵來會

連海與淮揚有輔車之勢守禦宜嚴互連連四城官軍盡主帥豈得無咎理宗乃才似道請罪下詔特原非惟無以示公亦且何以勵衆紀綱凌替極矣

以賈似道為樞密使兩淮宣撫使

蒙古將李璫

李全子或曰本衢州徐氏子全養為子

陷海州連水軍賈似

道上書請罪詔不問

璫取連海拔四城殺官軍幾盡淮揚大震似道抗章

引咎詔特與放罪

十二月詔馬光祖等進軍歸峽州以援蜀

詔光祖移司峽州六郡鎮撫向士璧

字君玉常州人

移司紹

慶

今四川黔彭廳彭水縣宋置紹慶府治此

士璧遂進師歸州與光祖迎

戰房州蒙古少却

蒙古主莽賚扣入閩州守將楊大淵以城降

蒙古至大獲山遣王仲入招大淵大淵殺之蒙古主督諸軍力攻大淵懼遂以城降推官趙廣死之已而

大淵逃歸蒙古主怒欲屠其城將官李呼哩雅濟

舊作李忽

蘭吉曰大淵去事未可測亟追之乃單騎至城下門

未閉大呼入城曰皇帝使我撫汝軍民即下馬執大

淵手曰上方宣諭賞賜不待而來何也大淵曰恐城

寨有他變是以亟歸耳因與偕來蒙古主大悅以大淵為都元帥

已未開慶元年春正月以賈似道為京湖南北四川宣撫大使

移馬光祖為沿江制置使史巖之副之似道尋兼督江西二廣人馬

蒙古烏特哩哈達掠靜江

注見前

遂圍潭州

烏特哩哈達率兵三千蠻獫萬人破橫山

峇名在廣西南寧府東橫

山上烏特哩哈達由交
陟進兵此為孔道

徇內地守將陳兵六萬以俟烏

特哩哈達潛自間道衝其中堅大敗之乘勝蹶賓州

與下

象州俱唐置今

並屬柳州府 蹂象州入靜江府連破辰沅

注見前

直

抵潭州官軍斷其歸路烏特哩哈達掠官軍後命其子

阿珠

舊作阿木今改

橫擊于前官軍敗走遂壁城下

時向士壁帥潭

竭力守禦聞後軍且至遣王輔佑帥五百象峴之遇
于南嶽市大戰蒙古少却 南嶽市在長沙府善化

縣西嶽麓山南湘江繞

其東麓亦曰嶽市鎮

二月蒙古主莽賚扣圍合州王堅力戰禦之

蒙古主遣降人晉國寶招諭合州王堅執之殺于閔

武場蒙古主乃自引兵趨合州自雞爪灘渡

灘在合州東北

嘉陵江中

直抵城下堅力戰以守蒙古會師圍之

三月以呂文德為四川制置副使

蒲擇之在蜀無功詔以文德代之

時蒙古軍中大疫將議班師文德乘

風順攻涪江浮橋方戰得入重慶即率檣艘千餘泝嘉陵江而上史天澤分軍為兩翼順流縱擊奪戰艦

百餘艘而還

秋七月蒙古主莽蒼扣殂于合州餘衆解圍北還

王堅固守蒙古主督軍攻之屢戰不克前鋒將汪德
臣選兵夜登外城堅率兵逆戰遲明德臣單騎大呼
曰王堅宜早降語未既幾為飛石所中因得疾死會

天大雨攻城梯折後軍不克進蒙古主亦殂于合州

城下

立凡九年
廟號憲宗

諸王大臣用二驢蒙以繪楷負之北

行合州圍解

蒙古主沉斷寡言不樂燕飲自謂遵祖
宗之法然酷信巫覡卜筮之術凡行事

必謹叩之殆無虛日其
殂也或傳其中飛矢云

捷聞詔加堅寧遠軍節度使

八月蒙古呼必賚將兵渡淮九月渡江遂圍鄂州

呼必賚悉兵渡淮遂自將出大勝關

在河南汝寧府羅山縣南

張

柔由虎頭關

注見前

分道並進官軍皆遁呼必賚至黃

陂

北齊縣今屬漢陽府

漁人獻舟且為鄉導九月宗王穆格自

合州遣人以蒙古主凶訃告呼必賚請北還以繫人

望呼必賚曰吾奉命南來豈可無功遽還自登香爐

山

在漢陽府漢陽縣西南

俯瞰大江大江之北曰武湖

在漢陽府黃陂

縣東南亦曰黃漢湖元和

志黃祖聞武習戰之所

武湖之東曰陽邏堡

在黃州府

黃岡縣西北與武昌府

江夏縣分界今為鎮

其南岸即許黃洲官軍以大

舟扼江渡軍容甚盛董文炳言于呼必賚曰長江天
陰宋所恃以為國勢必死守不奪其氣不可臣請嘗
之乃帥死士數十人當其前令其弟文用

字彥材

等載

艤舢鼓櫂疾趨士叫呼畢奮鋒既交文炳麾衆走岸
搏戰官軍大敗明日遂帥諸軍渡江進圍鄂州中外
大震

蒙古破臨江

宋軍今為府屬江西

知軍事陳元桂

撫州人

死之蒙古

遂入瑞州

本南唐筠州宋改名今為府屬江西

蒙古兵至臨江時制置使徐敏子在隆興

今南昌府是

頓

兵不進元桂力疾登城坐督戰力不能敵有欲抱而走者元桂曰死不可去左右俱遁兵至元桂瞠目叱罵遂死之蒙古兵入瑞州知州陳昌世治郡有善政百姓擁之以逃

詔諸路出師以禦蒙古大出內府銀幣犒師

前後出緡錢七千七百萬銀帛各一百六萬兩匹

冬十月丁大全有罪免

時蒙古侵軼日甚大全當國匿不以聞遂罷相以觀

文殿大學士判鎮江府中書舍人洪芹造之曾孫言大

全鬼蜮之資穿窬之行引用凶惡陷害忠良過塞言

路濁亂朝綱乞追官遠竄以伸國法御史朱貌孫與

甫浮梁人等相繼論大全姦回險狡狠害貪殘假陛下之

刑威以籍天下之口挾陛下之爵祿以籠天下之財

饒虎臣字宗台又論其絕言路壞人才竭民力誤邊

防四罪詔守中奉大夫致仕

以吳潛為左丞相兼樞密使

潛入相首言鄂渚被兵湖南擾動推原禍根由近年
姦臣儉士設為虛議迷國誤君仁賢空虛名節喪敗
天怒而陛下不知人怨而陛下不察稔成兵戈之禍

章鑑

字文康
分寧人

高鑄嘗與丁大全同官傾心附麗躡躑

要途蕭秦來等羣小導沓國事日非浸淫至于今日

沈炎

字若晦
嘉興人

實其爪牙而任臺臣甘為搏擊奸黨盤

據血脉貫穿以欺陛下致危亂望今炎等與祠鑄等

羈管州軍帝不聽

即拜賈似道右丞相兼樞密使軍漢陽以援鄂

內侍董宋臣請遷都不果行

南渡僻處臨安
形勢已失四明
尤湖海小郡高
宗播遷至此幾
不能以自存前
車可鑒開慶廢
園日蹙國事更
非理宗止應博
許益屢息浮議
以勵戰守乃董
宋臣忽倡遷避
之謀何子舉復

時邊報日急臨安團結義勇招募新兵增築平江紹興慶元城壁朝野震恐宋臣請帝遷都四明以避敵鋒軍器太監何子舉言于吳潛曰若上行幸則京師百萬生靈何所依賴御史朱貔孫亦言鑿輿一動則三邊之將士瓦解而四方之盜賊遽起必不可會皇

主國守之策此
南米安危之關
鍵而議遠議阻
皆出自寺人之
口可見舉朝皆
庸闇儒怯之流
無一人實心為
國者然宋室時
勢至此已無可
為亦不依都之
運與不運矣

賈似道以庸材
建閫觀其移軍
黃州遇游兵而
驚惶失措則臨

后亦請留蹕以安人心帝遂止寧海節度判官文天
祥乞斬宋臣不報

蒙古呼必賚遣使招諭鄂州守將張勝殺其使出戰敗死
時蒙古圍鄂州都統張勝權州事以城危在旦夕登
城諭之曰城已為汝家有但子女玉帛皆在將臺可
從彼取蒙古信之遂焚城外民居將退會高達等引
兵至賈似道亦駐漢陽為援蒙古乃復進攻遣哲辰

巴圖魯

奇卜察克人舊作
苦像拔都訖今改

領兵同降人諭鄂州使降

陣畏憊情形概可想見固宜為部眾所輕然高遠効職行間自當聽宣撫約束豈有立帥督戰而屬并譎笑自如甚至使兵士喧嘩紀律何存呂文德使人訶止跡雖涉于臨而于大體實可無議至他日論功行賞似道遂以私意軒輊其奸欺固不足論

抵城下勝殺使者出軍襲哲辰巴圖魯戰敗死焉達恃其武勇殊易似道每見其督戰即戲之曰魏巾者何能為哉將戰必須似道親勞始出否則使兵士譁于其門呂文德諂事似道使人訶曰宣撫在此何敢爾邪曹世雄向士璧皆從在軍事未嘗闕白似道由是銜三人而親文德

十一月詔賈似道移軍黃州遇蒙古俘卒于蘋草坪

一

李坪在黃岡縣北今為驛獲之

然造克因此積
蒙降元罪實不
容末減耳

諸路重兵咸聚于鄂蒙古兵由永全至潭江西大震
吳潛用御史饒應子言移似道于黃州黃雖下流實
當兵衝孫虎臣以精騎七百送之至蘋草坪候騎言
前有北兵似道大懼謂左右曰奈何虎臣匿似道出
戰似道嘆曰死矣惜不光明俊偉爾及北兵至乃老
弱部所掠金帛子女而還者江西降將儲再興騎牛
先之虎臣擒再興似道遂入黃州

賈似道乞和于蒙古呼必賚引還鄂州圍解

蒙古攻城益急城中死傷者至萬三千人似道大懼

乃密遣宋京詣蒙古營請稱臣納幣呼必賚不許會

合州守臣王堅使阮思聰蹕急流走鄂以蒙古主計

聞似道再遣京往呼必賚亦聞阿拉克岱爾等謀立阿

里克布克遣托郭斯

舊作脫忽思今改

括民兵因名羣臣議事

郝經

字伯常其先潞州人徙陵州

曰國內空虛塔齊爾轄魯諸王

觀望所立莫不覬覦神器一有狡焉或啟戎心先人

舉事腹背受敵大事去矣願大王以社稷為念與宋

議和率輕騎而歸直造燕都則彼之姦謀冰釋瓦解
遣一軍逆大行靈舁收皇帝璽遣使召諸王會喪于
和林命王子精吉木世祖長子追贈裕宗舊作真金今改鎮守燕都示以
形勢則大寶有歸而社稷安矣呼必賚以為然會宋
京至請稱臣割江南為界歲奉銀絹各二十萬呼必
賚許之遂拔砦而去

十二月蒙古烏特哩哈達引兵趨湖北潭州圍解

呼必賚既還命張傑間旺以偏師候烏特哩哈達而遣

默德齊

赫魯克氏默德齊舊作邁鐵赤赫魯克氏舊作合魯氏今改

將兵迎之至

是烏特哩哈達解潭州之圍引兵趨湖北

庚申景定元年

蒙古世祖皇帝朔必賴中統元年

春二月蒙古烏特哩哈達

至鄂州引還賈似道使夏貴等殺其殿卒于新生磯

黃在

岡縣西北亦

曰新生洲

蒙古張傑閻旺作浮橋于新生磯烏特哩哈達兵至傑等濟師北還賈似道用劉整計命夏貴以舟師攻斷浮橋殺殿卒百七十人

敵師無端返旆
自當詰問其由
乃一聞敵退使
倖息有遂以為
功倖再造酬庸
惟恐不至而于
事之盛實不復
致詳似道從此
遂入處鈞衡始
則敗壞疆場繼
且殘傷國本理
宗之昏老亦甚
矣

三月戊辰朔日食

賈似道奏諸路大捷名似道還朝

似道匿議和稱臣納幣之事以所殺獲俘卒殿兵上
表言諸路大捷鄂圍始解江漢肅清宗社危而復安
實萬世無疆之休帝以似道有再造功名還朝

高麗王暉死蒙古呼必魯封其子僎為王

僎後更名植

白氣如匹練亘天

蒙主呼必魯立

是為元世祖

先是呼必賚北還諸王哈坦

舊作合丹今改

穆格塔齊爾俱

會于開平轄魯亦自西域遣使勸進惟阿里克布克不至廉希憲等力言先發制人後發人制順逆安危間不容髮宜早定大計呼必賚然之遂即位建元中統夏四月出內侍董宋臣于安吉州

蒙古主召竇默許衡至開平

默于金末避亂轉徙隱于大名與姚樞許衡朝暮講習至忘寢食蒙古主在潛邸嘗召之既至問以治道

理宗儲嗣未建
屬意忠王吳潛
或實見其不足
當主昏之奇無
妨直陳正諫顧
說詞沮止其意

默首以綱常為對且曰失此則無以自立于世矣又

言帝王之道在誠意正心心既正則朝廷遠近莫敢

不一于正蒙古主敬待加禮久之南還至是復與衡

同名

吳潛罷

初賈似道在漢陽以潛移之黃州為欲殺已銜之至
是帝欲立忠王禩為太子潛密奏云臣無彌遠之才
忠王無陛下之福帝遂積怒潛似道因陳建儲之策

何居至前此沂
邨入立事由彌
遠不能正始理
宗應尚內愧于
心豈得擬不才
倫對君而許其
所諱既之悲擊
之意履蹈識訟
之愆遂使臺諫
糾彈似道轉得
借正論以逞其
排擠之技厥後
猶州死竄情罔
可矜然潛亦實
有以自取之也

令侍御史沈炎劾潛且云忠王之立人心所屬潛獨
不然姦謀巨測請速召賈似道正位鼎軸帝從之遂
罷潛奉祠

加賈似道少師封衛國公將士進官有差

似道既至詔百官郊勞如文彥博故事獎眷甚至諸
將悉進官呂文德高達劉整夏貴孫虎臣范文虎向
士璧曹世雄各加轉有差初似道惡達在軍中嘗侮
已言于帝欲殺之帝知其有功不從故論功以文德

為第一而遠居其次似道既相權傾中外進用羣小
變更法制矣

蒙古初定官制

蒙古自太祖以來諸事草創設官甚簡以斷事官為
至重之任位在三公上丞相謂之大筆且齊

舊作大
必闡亦

改今掌兵柄則左右萬戶而已後稍倣金制置行省及

元帥宣撫等官至是元主既立大新制作遂命劉秉
忠許衡酌古今之宜定內外官制其總政務者曰中

書省秉兵柄者曰樞密院司黜陟者曰御史臺其次
內則有寺監院司衛府外則有行省行臺宣慰廉訪
其牧民則有路府州縣官有常職位有常員食有常
祿其長則蒙古人為之而漢人南人貳焉于是代
之制始備

蒙古以廉希憲為陝西四川宣撫使商挺

字孟郊
濟陰人

副之

蒙古阿里克布克稱帝于和林

阿里克布克聞呼必查已立命阿拉克岱爾發兵於漠北

諸部分遣心腹易置將佐散金帛賚士卒又命劉太

平霍魯懷拘收關中錢穀時瑛塔噶

舊作瑛都海今改

自先

朝將兵屯六盤太平等陰相結納瑛塔噶復遣人

約成都密喇卜和卓青居奇塔特布哈

舊作乞台不花今改

同

舉事阿里克布克遂自立于和林

蒙古以王文統

字以道益都人

為中書平章政事張文謙

字仲謙邢

州沙河人

為左丞

元史百官志中書省中統初立左右丞各一員秩正二品

五月文謙罷

文統本李璫幕屬至是有薦其才智者遂得親幸更

張庶務悉委裁處文統素忌刻而文謙以安國使民
為務屢相可否積不能平思有以陷之文謙遂求出
宣撫大名臨發語文統曰民困日久况當大旱不量
減稅賦何以慰來蘇之望文統曰上新即位國家興
發止仰稅賦苟復減損何以供給文謙曰百姓足君
孰與不足至任蠲常賦什之四商酒稅什之二

蒙古阿拉克岱爾及六盤守將琿塔噶舉兵應和林廉希
憲等擊敗斬之

劉太平霍魯懷聞希憲將至以五月一日乘急傳入

京兆謀為變秦人前被阿拉克岱爾太平等威虐聞其

來破膽越二日希憲亦至宣示詔旨遣人馳往六盤

宣諭安撫未幾城門候引一急使至云來自六盤希

憲訊之盡得太平魯懷與琿塔噶密喇布和卓竒塔特

布哈狀希憲集僚佐謂曰主上命我輩正在今日遂

分遣人掩捕太平魯懷等仍遣劉哈瑪爾誅密喇卜

和卓于成都汪惟正

字公理德
臣之子

誅竒塔特布哈于青

居又命總帥汪良臣

德臣之弟

帥秦鞏諸軍進討瑛塔噶

良臣以未得旨為辭希憲即解所佩虎符銀印授之

曰此皆身承密旨君但辦吾事制符已飛奏矣良臣

遂行又摘蜀卒四千命蒙古將巴崇

舊作八春今改

帥之為

良臣聲援會有詔赦至希憲命殺太平等于獄尸于

通衢方出迎詔瑛塔噶知京兆有備西渡河趨甘州

阿拉克岱爾自和林帥兵適至還與瑛塔噶合軍而南

時諸王哈丹亦率騎兵與巴崇汪良臣兵合分三道

以拒之既陳大風吹沙良臣令軍士下馬以短兵突
其左繞出陣後潰其右而出巴崇直擣其前哈丹勒
精騎邀其出路大戰于甘州東殺瑣塔噶阿拉克岱爾
關隴悉平希憲乃遣使自劾停赦行刑徵調諸軍擅
以良臣為帥諸罪蒙古主曰委卿方面之寄正欲從
宜若拘常制豈不坐失事機詔賜希憲金虎符進平
章政事行省秦蜀商挺參知省事

元史百官志中書省參政二員從二

品職亞
左右丞

蒙古以王鶚字百一曹州東明人為翰林學士承旨元史百官志中統初以王

鶚為翰林學士未立官署至元元年始置秩六年置承旨王鶚本傳中統建元首以鶚為翰林學士承旨志傳

牴牾續綱目從傳今仍之而注志以備考

鶚金正大元年進士第一歷官尚書左右司郎中

金亡將被殺張柔聞其名救之館于保州蒙古主在藩

邸召對甚禮重之嘗因見請曰天兵克蔡金主自縊

其奉御京錫焚葬汝水之傍禮為舊君有服願往葬

祭蒙古主許之至則為河水所沒具牲醴為位而哭

王鶚為金進士國亡時自當盡忠死節乃竟視顏事元而又假舊君有服之說祈請祭葬張時泰以為譬如婦人有人殺其夫而不能報反以身事擊又求盡哀禮于故夫其論誠非過刺

至是為翰林學士承旨制誥典章皆所裁定又薦李

治

字仁鄉
樂城人

李昶

字士都
平瀆城人

王磐

字文炳
平永年人

徐世隆

字

卿陳州

高鳴

字雄飛
真定人

為學士復奏十道提舉學校官

西華人

蒙古主皆從之

焚惑入南斗

留五十餘日

六月立忠王禛為皇太子

帝家教甚嚴太子雞初鳴問安再鳴回宮三鳴往會

議所參決庶事退入講堂講經史將晡復至榻前起居問今日講何經答之是則賜坐賜茶否則為之反覆剖析又不通則繼以怒明日須更覆講率為常例蒙古撤江上軍以史天澤為江淮經畧使

蒙古李璫攻淮安主管制置司事李庭芝

注見前

擊敗之

秋七月蒙古使翰林侍讀學士郝經來修好賈似道幽之真州

似道還朝使其客廖瑩中輩撰福華編稱頌鄂功通

國皆不知所謂和也蒙古主既立欲來修好王文統素忌郝經有重名請遣經遂以翰林侍讀學士充國信使來告即位且徵前日請和之議文統復陰屬李璫潛師侵宋欲假手害經經至宿州遣其副請入國日期不報遺書宰相及淮帥李庭芝而似道恐經至謀泄竟拘留于真州之忠勇軍營經上表曰願附魯連之義排難解紛豈如唐儉之徒歎兵誤國又數上書于帝及執政極陳和戰利害且請入見及歸國皆

不報

驛吏棘垣鑰戶晝夜守邏欲以動經經不屈但語其下曰死生進退聽其在彼屈身辱命我終

不能汝等不幸宜忍死以待援

之天時人事宋祚殆不遠矣

帝聞有北使謂宰執

曰北朝使來事體當議似道奏和出彼謀豈容一切

輕徇倘以交鄰國之道來當令入見蒙古遣官訪問

經等所在仍以稽留信使侵擾疆場來詰淮東制置

李庭芝奏蒙古使者久留真州不報

以賈似道兼太子太師

蒙古行交鈔法

王文統立十路宣撫司示以條格欲差發辦而民不擾鹽課不失常額交鈔無致阻滯遂行中書省造中

統元寶交鈔立互市于潁州連水光化軍

交鈔法自十文至二

貫文凡十等不限年月諸路通行稅賦並聽收受仍申嚴私鹽酒醋麪貨等禁

冬十二月蒙古號西僧帕克巴

舊作八思巴今改

為國師

帕克巴吐蕃薩斯嘉

舊作薩斯迦今改

人足克袞

舊作族款今改

氏也相傳自其祖多爾濟

舊作朵栗赤今改

以其法佐國主

霸西海十有餘世帕克巴年十五謁蒙古主于潛邸

與語大悅日見親禮至是尊為國師統釋教

辛酉二年

蒙古中統二年

春正月詔皇太子釋奠孔子加張栻呂

祖謙伯爵並從祀

帝手詔曰虎闥齒胄太子事也此禮廢久矣如釋奠釋菜之事我朝俱未嘗廢然享師敬道又不可拘舊制可令太子謁拜太子既還上奏曰先聖之道至我朝而後有以續孟氏之傳然諸說並駕未知統一迨朱熹張栻呂祖謙志同道合切思講磨擇精語詳開

彌後學人心一正聖道大明今熹已秩從祀而棧祖
謙尚未奉明詔臣竊望焉帝從之遂封棧華陽伯祖
謙開封伯並列從祀

三月壬戌朔日食

夏四月以皮龍榮

字起霖一字季遠潭州醴陵人

參知政事

龍榮伉直不肯降志于賈似道未踰年而罷

蒙古聽儒士被俘者贖為民

時淮蜀士遺俘虜者皆沒為奴翰林學士高智耀

河

人世仕

夏國

奏言以儒為驅古無有也陛下方以古道為治宜除之以風天下蒙古主從之命循行郡縣區別之得數千人貴臣或言其詭濫蒙古主詰之對曰譬則金也金色有淺深謂之非金不可才藝有淺深謂之非士不可蒙古主悅

五月蒙古以史天澤為中書右丞相

蒙古主問竇默曰朕欲求如唐魏徵者有其人乎默對曰犯顏諫諍剛毅不屈則許衡其人也深識遠慮

蒙古初年未嘗

無權權言利之

臣職當時外多

良將兵於方強

而賢士建言並
多錄用視宋之
昏然潰敗者相
去甚遠故卒以
履宋而樹國也

有宰相才則史天澤其人也蒙古主納之遂相天澤
以默為翰林侍讀學士

蒙古以姚樞為太子太師竇默為太子太傅許衡為太
子太保皆辭不拜

時樞自東平宣撫召還與衡等入侍言治亂休戚必
以義為主王文統患之默復于蒙古主前力言文統
學術不正必禍天下蒙古主曰然則誰可相者默曰
以臣觀之無如許衡蒙古主不悅而罷文統亦恨之

乃授樞等東宮三師外陽尊之內實不欲其備顧問也默欲依東宮以避害衡力以為不可曰此不安於義也且禮師傅與太子位東西鄉師傅坐太子乃坐公等度能復此乎不能則師道自我廢也因相與懷制言太子未立豈宜虛設官稱乃改樞大司農默仍侍讀學士衡國子祭酒未幾衡稱疾還懷孟

六月潼川安撫副使劉整以瀘州叛降蒙古制置司參謀官許彪孫死之

初賈似道之出督也嘗憾高達曹世雄之輕已令呂
文德摺摭其罪逼世雄死達亦廢棄整聞之懼會俞
興帥蜀整素與興有隙而似道方會計邊費興遣吏
下整整詐于朝不得達心益不安遂籍瀘州十五郡
戶三十萬降于蒙古蒙古以整為夔路行省兼安撫
使整驍將也蒙古既得之由是盡得國事虛實而似
道不以為虞整之將叛也命制置司參謀官許彪孫
草表彪孫不屈合門仰藥死

秋七月竄吳潛于循州

先是詔黨丁大全吳潛者臺諫嚴察舉劾以聞當置
于罪以為同惡相濟之戒時賈似道專政凡所惡者
無賢否皆斥帝弗悟其姦為是下詔且安置潛于潮
州至是復責授化州團練使徙循州

八月俞興討劉整敗績詔罷興以呂文德兼四川宣撫使
俞興以劉整叛移檄討之會蒙古成都經畧使劉元
振

字仲舉哈
瑪爾長子

將兵來逆整至瀘興進軍圍之晝夜急

攻城幾陷未幾援兵至元振與整出城合擊大敗之
興退走詔以興妬功啟戎罷任錫職以文德為四川
宣撫使

賈似道殺湖南制置副使向士璧

先是賈似道忌功欲污蟻一時聞臣且怨士璧嘗侮
已諷侍御史孫附鳳等劾罷之送漳州安置又遣官
會計邊費于是趙葵史巖之等皆坐侵盜掩匿罷官
徵償而士璧所費尤多至是逮至行部責償幕屬方

元善者極意逢迎似道意士壁坐是死復拘其妻妾

徵之潭人聞之有垂涕者

信州謝枋得以趙葵檄給錢粟募民兵守禦及會計

者至信枋得曰不可以累宣撫自饋萬緡餘不能辨乃上書似道有云千金而募徒木將取信于市人二

卯而棄于城豈可聞于鄰國遂得免徵餘者似道又忌王堅出知和州堅鬱鬱而卒謝枋得字君直弋

冬十月蒙古主呼必賚擊阿里克布克於錫默圖

漠北地名舊作

昔木土 敗走之

今改 蒙古主以阿里克布克違命自將討之與戰于錫默圖

之地諸王哈丹等殺其兵三千人塔齊爾分道奮擊
大破之追北五十里蒙古主率諸軍躡其後合三路
蹙之其部將多降阿里克布克北遁蒙古主引還

壬戌三年蒙古中統三年春正月賜賈似道第宅家廟

給緡錢百萬建第于集芳園就置家廟

呂文德復瀘州

劉整率所部入朝于蒙古文德遂入瀘州詔改為江
安軍

蒙古修孔子廟

臨安饑

京邑海岱與西
乃積粟坐視誠
宜為先祖所責
然祇應據理開
示不當牽引儲
嗣為解至勸其
衆民因以結人
心其說尤為慘
理蓋太子既正
位東朝入承大
統已非與苻所
能復預况即以

詔賑卹貧民時馬光祖以樞密兼知臨安府知榮王
與尚府有積粟三往見之王以他辭光祖乃卧于客
次王不得已見焉光祖厲聲曰天下誰不知儲君為
大王子今民饑欲死不以此時收人心乎王以廩虛
辭光祖探懷中出片紙曰某莊某倉若干王語塞遂
許以三十萬光祖遣吏分給活饑民甚衆

儲君而論亦祇宜盡職于問安視膳不可稍萌博施遠舉之心豈有理宗方在御而太子私親顧可以曲惠小恩藉收衆志先祖欲為與芮計將置理宗何地乎先祖肆意妄談不特立言失體實有味于大義矣

蒙古江淮大都督李璫以京東來歸詔封璫為齊郡王

復其父全官爵三月蒙古誅王文統

王文統以通好叛臣伏誅續綱目書殺非

是今

改書

璫自蒙古主即位便有南歸之志前後所奏凡數十事皆恫疑虛喝以動蒙古而自為完繕益兵計至是召其子彥簡于開平修築濟南益都等城壁遂殲蒙古戍兵以漣海三城來歸獻京東郡縣請贖父過仍遣總管李毅傳檄列郡詔授璫保信寧武等軍節度

使督視京東河北路軍馬封齊郡王改連水為安東
州蒙古王文統使其子堯通好于瓊事覺被誅已而
瓊引麾下還攻益都入之遂復淄州

夏五月蒙古史天澤圍李瓊于濟南六月遣提刑青陽

夢炎

青陽黃帝子名
其後以名為氏

將兵救之不至而還

蒙古主命諸王哈必齊

舊作哈必
赤今改

總諸道兵擊瓊復

命丞相史天澤往仍詔天澤專征諸將皆受節度天
澤至濟南謂哈必齊曰瓊謫而兵法甚精不宜力角

當以歲月斃之乃深溝高壘遏其侵軼朝廷聞璽文
圍給銀五萬兩下益都府搃軍遣青陽夢炎帥師援
之夢炎至山東不敢進而還

封陳光昺為安南王

陳日昃以蒙古烏特哩哈達既還乃反國傳位于其子
光昺遣使來告詔封光昺為安南王加日昃為安南
大王然光昺實遣人請降于蒙古蒙古亦加封冊

故相吳潛暴卒于循州

賈似道以黃州之事必欲殺潛乃使武人劉宗申守
循以毒潛潛鑿井卧榻下自作井銘毒無從入一日
宗申開宴以私忌辭再開宴又辭不數日移庖不得
辭遂得疾曰吾其死矣夜必風雷大作已而果然循
人悲之潛既沒似道歸罪宗申貶之以塞外議乃許
潛歸葬

秋八月蒙古克濟南獲李瓊殺之以董文炳為山東經
畧使

字璵父子本起
盜賊其將史半
勞岸盜所部亦
習為反覆外雖
歸附而心實懷
疑文炳能不設
猜懼之形以辨
其反側之志與
某度以蔡卒為
牙兵事頗相類

蒙古主命史樞

字子明天
澤從子

阿珠各將兵赴濟南璵帥

衆出掠輜重將及城北兵邀擊大敗之璵退保城史

天澤命築環圍璵自是不復得出日夜拒守分軍就

食民家發其蓋藏以繼知城且破乃手刃妻妾乘舟

入大明湖

在濟南府歷城縣治
西北隅周十餘里

自投水中水淺不得

死為蒙古所獲史天澤殺之解其體以徇事聞贈璵

檢校太師賜廟額曰顯忠時山東尚未靖蒙古主以

董文炳為經畧使文炳至益都從數騎便服而入至

可謂得靖亂之
要領矣

府不設警衛召瓊故將吏撫諭于庭下所部大悅山

東以安

時言者謂瓊之變由大藩子弟盡專兵民之
權天澤奏行之請自臣家始于是史氏及張

柔嚴忠濟子弟皆罷還私第 嚴

忠濟一名宗翰字紫芝實之子

九月蒙古以阿珠為征南都元帥

蒙古主詔曰前遣使于宋以通和好宋人不務遠圖

反啟邊釁諸大臣皆以南征為請重以兩國生靈之

故猶待信使南歸庶成和議留而不至者今又半載

矣彼嘗以衣冠禮樂之國自居理當如是乎

得置兩
統軍司

東自亳州西至均州諸萬戶隸河南
西自宿州東至海州諸萬戶隸山東

冬十月蒙古命阿哈瑪特

回鶻人舊作阿哈馬今改

領中書左右部

專理財賦

蒙古始立左右部分總庶務命阿哈瑪特領之仍兼
諸路都轉運使專理財賦阿哈瑪特欲每事得專奏
聞不關白中書時張文謙居政府力言分制財用古
有是理中書不預則天子將親蒞之乎蒙古主然之
已而阿哈瑪特請興鐵冶于鈞徐諸州又請歲增益

解鹽課額蒙古主嘉其能超拜平章政事

十一月竄丁大全于新州注見前道死

大全安置貴州州將游翁明愬大全陰招游手輩私

立將校造弓矢舟楫將通蠻為變廣西經畧朱禩孫

聞于朝詔改竄新州土牢拘管日具存亡賈似道諷

禩孫殺之禩孫遣將官畢遷護送舟過藤州唐置明改縣今

屬廣西梧州府遷擠大全于水而死

癸亥四年蒙古中統四年春正月蒙古以姚樞為中書左丞

樞上言自中統至今五六年間外侮內叛繼繼不絕
然能官離債負民安賦役國用粗足政事更新皆陛
下信用先王之法所致今創始治道正宜上答天心
下給民心睦親族以固本定大臣以當國開經筵以
格心立學校以育才則可以光先烈遺子孫蒙古主
納之

二月詔買公田置官領之罷翰林學士徐經孫

字中立
寶慶進

士賈似道以國計困於造楮富民困于和糶思有以

均田限田之制
雖屬古法而實

不可行蓋民之
貧富不一必欲
齊之則百弊以
起富者愈獲則
貧者愈以不安
北宋之亂肇于
新法南宋當此
航之時猶以回
買公田為急使
墮戾之民日益
廢削非自促老
已而何

變法而未得其說知臨安府劉良貴浙江轉運使吳
勢卿獻買公田之策似道乃命殿中侍御史陳堯道
右正言曾孝慶監察御史虞慈張希顏上疏請行祖
宗限田之制以官品計頃以品格計數將官戶田產
逾限之數抽三分之一回買以充公田但得一千萬
畝之田則每歲可收六七百萬石之米可免和糴可
以餉軍可以住造楮幣可平物價可安富室一事行
而五利興矣帝從之詔買公田置官田所以劉良貴

提領通判陳嘗副之獨徐經孫條具其害似道諷御
史舒有開劾之罷歸未幾帝手詔曰永免和糴無如
買逾限之田為良法然東作方興權俟秋成續議施
行似道憤然上疏求去復諷何夢然陳堯道曾孝慶
抗章留之且勸帝下詔慰免帝乃趣似道出視事似
道復具陳其制帝悉從之二省奉行惟謹似道首以
已田在浙西者萬畝為公田倡禁王與芮繼之趙立
奎自陳投賣由是朝野無敢言者

三月蒙古始建太廟

蒙古建太廟於燕京定烈祖太祖太宗卓齊特察罕岱

時尊二人

為皇伯睿宗定宗憲宗為八室又命僧薦佛事七

晝夜歲以為常

夏六月論買公田功進知臨安府劉良貴等官

初買官田猶有抑強削富之意繼而敷派除二百畝
以下者免餘各買三分之一其後雖百畝之家亦不
免立價以租一石償十八界會子四十而浙西之田

石租至有值千緡者亦就此價價錢稍多則給銀絹各半又多則給以度牒告身准直民失實產而得虛告吏又恣為操切浙中大擾民之破家失業者甚衆官吏有奉行不至者劉良貴輒劾之追毀出身永不收叙由是有司爭以多買為功浙西六郡買田三百五十餘萬畝詔進良貴官兩轉餘人進秩有差

秋七月置榷場于樊城

劉整言于蒙古曰南人惟恃呂文德耳然可以利誘

襄樊為南北衝
要敵所必爭呂

文德統軍駐鄂
實藉其地險固
圍貪心一啟逆
劉劉整行中真
可謂見小利而
忘大害者呂氏
兄弟在當時諸
將統為佼佼錚
錚乃文德既以
贖貨誤還文德
亦旋以失援降
敵可知愛財喪
死之念一動于
中未有不凶于
家而害于國者
也

也請遣以玉帶餽之求置榷場于襄陽城外蒙古從

之至鄂請于文德文德許之為請于朝開榷場于樊

城外築土墻于鹿門山

在襄陽縣東南襄陽記山舊名蘇嶺後漢習郁建祠山上

立二石鹿于廟門後

人因以鹿門名山

外通互市內築堡壁蒙古又築

堡于白鶴

山名在襄陽縣南輿地紀勝山有白馬泉亦名白馬山

由是敵有所

守以遏南北之援時出兵哨掠襄樊城外兵威益熾

文德弟文煥知為蒙古所賣以書諫止文德始悟然

事已無及惟自咎爾

蒙古以廉希憲為中書平章政事商挺參知政事

希憲在秦蜀凡宋將家屬在北者歲給其糧北人仕

南者子弟得越界省其親人皆感之李璫反降人費

寅諧希憲制關中得民心又得商挺為之輔修城治

兵潛蓄異志蒙古主疑之命中書右丞納罕

焉作南
合今改

代希憲且覆視所告事無實狀詔希憲挺還皆進秩

希憲首言國初以來凡納土及始受命之臣咸令世

守至今將六十年子孫皆奴視部下郡邑長吏皆其

臬隸僮使前古所無宜更張之乃議行考課陟遷
轉法蒙古主從之

甲子五年蒙古至元元年春三月增公田官于平江諸路

似道言公田已成若復以州縣總之恐害不除而利

不可久請立四分司以主管公田繫銜平江嘉興安吉各一員鎮

常江陸共一員每鄉置官莊一所民為官耕者曰官佃為官督者曰莊官莊官以富饒者充應兩歲一更

每租一石明減二斗不許多收一時迎合止欲買數之多凡六七斗

皆作一石及收租之際元額有虧則取足于田主遂

為無窮之害或內有磽瘠及租佃頑惡之處從而責
換于田主其禍尤慘

秋七月彗星出中外上書乞罷公田賈似道力求去位
詔勉留之

公田不便于民
臺諫士庶既進
贖競陳必非一
人私見即使其
言無當亦宜平
心體察究其利
害所在剴切布
告以息浮談况

彗星出柳光燭天長數十丈自四更見東方日高始
滅詔避殿減膳許中外直言臺諫士庶上書以為公
田不便民間愁怨所致于是似道上書力辯乞避位
帝曰言事易任事難自古然也卿既任事亦當任怨

立法之始理宗
皆降手詔權縱
施行似于人言
亦不無覺悟乃
一聞似道欲去
之請輒置與論
寸不恤轉許以
任怨之名真可
謂黑白不分者
矣

禮義不愆何恤人言
卿宜安心毋孤朕倚畀之意
知臨安府劉良貴亦以人言籍籍自陳
括田之勞乞從罷免
不允由是公論頓沮

黥配臨安府學生葉李等于遠州

葉孝蕭規應詔上書
訖賈似道專權害民誤國似道命劉良貴摺據以罪
黥配李于漳州規于汀州

蒙古阿里克布克自歸于上都
蒙古主釋不治其黨布拉

噶

舊作不魯
花今改

等伏誅

阿里克布克自錫默圖之敗不能復軍至是與諸王玉

隴哈什

舊作玉龍
答失今改

三人及其謀臣布拉噶托里齊

舊作

脫里察

今改 托郭斯等來歸蒙古主以諸王皆太祖之裔

並釋不問惟誅布拉噶等

楊棟

字元極眉
州青城人
免棟子是年五月
參知政事

參知政事楊棟以彗星為虫尤旗非變異也言者論

其欺天罔君坐免或謂棟姑為是言陰告于帝謀逐

似道似道覺之遂反為所中而去彗星凡歷五十餘

日始滅

八月蒙古以劉秉忠為太保參領中書省事

秉忠既受命以天下為己任知無不言凡燕間顧問輒推薦人物可器使者其所甄拔後皆為名臣

蒙古入都于燕

劉秉忠請定都于燕蒙古主從之詔營城池及宮室仍號為中都尋更號大都

九月竄建寧府教授謝枋得于興國軍

試士而以政事為問日孰是孰非原不妨于縷指至于國家廢典則非草野所宜妄論且明知大勢已去為臣者隱痛尤深何忍于盈庭發策之時斥言宗社枋得固素知大義者而其情過激遂乖教誨之常又何怪權奸之借端指摘乎

枋得考試宣城及建康摘賈似道政事為問日言權姦擅國敵兵必至趙氏必亡漕使陸景思上其策于似道于是左司諫舒有聞劾枋得怨望騰謗大不敬詔竄之

行經界推排法

賈似道請行推排法于諸路由是江南之地尺寸皆有稅而民力竭矣

作銀關

賈似道以物貴由于楮賤楮賤由于楮多乃更造銀
關每一准十八界會之三自製其印如賈字狀行之
出奉宸庫珍貨收契會于官廢十七界會不用銀關
行物益貴楮益賤

冬十月帝崩太子禛即位

是為
度宗

尊皇后曰皇太后大赦

帝有疾詔草野有能治療者白身除節度使有官及
願就文資者並與此附推恩仍賜錢十萬田五百頃
卒無應者遂崩太子禛即位尊皇后曰皇太后

度宗皇帝

乙丑 咸淳元年

蒙古至元二年

春正月辛未朔日食

三月葬永穆陵

史臣曰理宗享國四十年蔡州之役可雪先恥乃貪地棄盟事釁隨起兵連禍結境土日蹙良由中年嗜慾既多怠于政事權移姦臣以致于此然自帝繼統首出王安石而尊濂洛表章朱氏丕變士習廟號曰理其殆庶乎

夏四月加賈似道太師封魏國公

帝以似道有定策功每朝必答拜稱之曰師臣而不

所謂雪恥者能奮興自拔以伸夙志則雖在匹夫義猶有取若蔡州之役借人力而貪其功不武甚矣况昧唇齒相依之喻自速滅亡何名為雪恥哉

名朝臣皆稱為周公理宗山陵事竣徑棄官還越而

密令呂文德詐報蒙古兵攻下沱急

大江至荊州府枝江縣別出為

沱下流復合其分處謂之上沱合處謂之下沱今縣東有下沱市

朝中大駭帝與太

后手詔起之似道乃至欲以經筵拜師而典故須建

節乃授鎮東軍節度使似道怒節已出復命反之舊

制節出撤闕壞屋無倒節理以示不屈至是人皆駭

異

閏五月以江萬里參知政事

初萬里在賈似道幕下最久景定中同簽書樞密院
事雖俯仰容默為似道用而性峭直臨事不能無言
似道嘗惡其輕發故不久而罷至是召拜參知政事
秋九月蒙古以安圖穆呼哩四世孫
舊作安童今改為中書右丞相冬
十月命許衡議省事衡辭不許

先是蒙古主追錄元勲以安圖穆呼哩後召長宿衛
及是拜右丞相年二十一矣安圖以年少辭蒙古主
曰朕思之熟矣乃召許衡于懷孟俾議中書省事衡

至以疾辭蒙古主不許安圖親候其館與語良久既
還念之不釋者累日

丙寅二年蒙古至元三年春正月以季可為監察御史

初理宗詔置籍中書記諫官御史言事歲終以考成
績而賈似道當國忌臺諫言事悉用庸懦易制者為
之彈劾不敢自由惟取遠州太守及州縣小官毛舉
細過應故事而已

江萬里罷

賈似道以去要君帝至拜留之萬里以身掖帝云自古無此君臣禮陛下不可拜似道不可復言去似道不知所為下殿因舉笏謝萬里曰微公似道幾為千古罪人然以此益忌之帝在經筵每問經史疑義及古人姓名似道不能對萬里常從旁代對王夫人頗知書帝語夫人以為笑似道聞之積慚怒謀逐萬里萬里亦四上疏求退乃以資政殿大學士奉祠

三月蒙古以宋子貞

字周臣
涪州長子

為中書平章政事

子貞初事東平嚴實建學育才齊魯為之一變蒙古
主南侵子貞上言本朝威武有餘仁德未洽若投降
者不殺脇從者勿治宋之郡邑可傳檄而定也蒙古
主深善之累遷右三部尚書數上言時政便宜凡立
法裁制多自子貞發之蒙古主頗悟用子貞之晚入
中書未幾致仕卒

夏五月以包恢

字宏父
建昌人

簽書樞密院事

恢所至以嚴為治破豪猾去姦吏治蠱獄政事赫然

理宗朝嘗因輪對曰陛下之心如天地日月其閉而食者外戚近習耳

秋七月蒙古以張德輝

字輝卿冀寧交城人

參議中書省事

初德輝在史天澤幕下蒙古主在藩邸聞之召見問曰孔子歿已久其性安在對曰聖人與天地終始無往不在殿下能行聖人之道性即在是矣蒙古主然

之自是屢有問對

蒙古主問曰祖宗法度具在未盡設施者甚多特如之何德輝指銀

盤喻曰創業之主如製此器精選白銀良匠規而成之界付後人傳之無窮當求謹厚者司掌乃永為寶

用否則不惟缺壞且有竊而去之者矣蒙古主又問
典兵與宰民者為害孰甚對曰軍無紀律縱使殘暴
害固非輕若宰民者頭會真歛以
毒天下使民如蹈水火為害尤甚
蒙古主皆稱善以

字呼之而不名及蒙古主即位以為河東南北路宣
撫使考績為諸路最遂入議政

丁卯三年

蒙古至元四年

春正月立皇后全氏

會稽人

后理宗母慈憲夫人姪孫也寶祐中父昭孫没于王
事理宗以母故嘗召后入宮問曰爾父没于王事每
念之令人可哀后對曰妾父可念淮湖之民尤可念

也帝異之語大臣曰全氏女言辭甚令宜配冢嗣以承宗祀遂納為太子妃及是立為后

帝釋菜于孔子以顏回曾參孔伋孟軻配列卽雍司馬光于從祀

又升顯孫師于十哲追封雍新安伯講官監官三學長貳及諸生推恩有差

蒙古許衡謝病還懷孟

衡陳時務五事一曰立國規模言國家當行漢法齊

立國規模惟當
推其法之善與

不善而折衷于
聖人之道若云
必行漢法而後
可則歷代破國
亡家者非行漢
法之人乎蓋許
衡漢人修史者
又出于漢人之
手遂有此不經
之論耳如衡之
說正猶陸行者
不知有舟水行
者不知有車泥
古之見物而不
化未為通達政
體也

一吾民

畧曰陸行宜車水行宜舟及之則不能行幽
燕食寒蜀漢食熱違之則必有變由是而論之

今日規模非用漢法不宜也然萬世國俗累朝勳舊
一旦軀之下從臣僕之謀改就亡國之俗其勢有甚
難者竊思天有寒暑積時而變誠能漸之摩之待以
歲月篤信堅守不雜小人不營小利不責近效不恤浮

言則致治之

二曰中書大要在用人立法

畧曰治人
者法也守

法者人也人法相維上安下順而宰執優游廊廟之
上不煩不勞此所謂省也夫立法用人今雖未能盡
如古昔然已仕者給俸以養廉未仕者寬裕以叙用
則可紆失職之怨外設監司以察汙濫內專吏部以
定資歷則可息非分之求至于貴家世襲品官任子
以及版籍之數續當議之亦不可緩急而不行也

三曰為君難以踐言

畧曰人君不患出言之難而患
踐言之難夫以天下之大凡民

之衆事有萬變日有萬幾人君以一身一心而酬酢
之欲言之無失豈易能哉故有昔之所言而今日忘
之者今之所命而後日自違者可否異同分更變易
紀綱不得布法度不得立天下無所持循奸人因以
為弊此無他為上者多樂舒肆為臣者多事容悅容
悅本為私也私心盛則必畏人矣舒肆本為欲也欲
心盛則不畏天矣以不畏天之心與不畏人之心感
合無間則其所務皆快心事耳快心則口欲言而言
身欲動而動又安肯兢兢業業熟防欺累曰人之情
思而審處之乎此踐言之難也偽有易有險
有衆有寡未易使之不見欺也人君惟無喜怒也有
則贊其美以示恩鼓其怒以張勢人君惟無愛憎也
有則假其愛以濟私藉其憎以復怨甚至本無喜也
誰之使喜本無怒也激之使怒本不足愛也而過譽之
使愛本無可憎也而強短之使憎若是則進者未必
為君子退者未必為小人予者未必為有功奪者未

必為有罪以至賞罰生殺鮮有得其正者欺而至此
尚可防邪是故人君以知人為貴既不能知人而欲
防其欺雖堯

任賢

畧曰賢者遭時不偶務自韜晦人君或知之而召之命之泛如廝養

舜不能也

賢者不屑也或接之以貌待之以禮而賢不見用或用其言而復使小人參之有用賢之名無用賢之實

賢者必不肯尸位素餐以取訖于天下其難進也如此又有難合者焉大抵人君居崇高之地樂聞人過而不樂聞己過務快己心而不惡怙民心賢者必欲匡正而扶持之使如堯舜而後已故其勢恒難合况

奸邪佞倖醜正惡直多方以

去邪

畧曰奸邪之人其為心險其用術巧

其諂似暴其奸似直其欺似可信其佞似可近務以

窺人主之意旨而迎合之竊其勢以立己之威濟其

欲以結主之愛受隆于上威擅于下毒被生民而下莫知之至是求去之也難矣

得民心

畧曰

民之戴君本于天命特由使之失望使之不平然後
怨怒生焉必如古者大學之道以脩身為本一言一

動舉可以為天下之法一賞一罰舉有以合天下之
公則德非之心不求而自得又豈有失望不平之累

哉

順天道

畧曰三代以下稱盛治者無如漢文景然
當時天象數變而文景克謹天戒一以養

民為務故民心得和氣應臣竊見近年彗孛迭見而
議者謂當除舊布新以應天變臣以為曷若直法文
景之恭儉愛民為理
明義正而可信邪
六者為難之目四曰農桑學校

畧曰今國家但知斂財之巧而不知生財之由徒知
防人之欺而不欲養人之善徒患法令之難行而不
患無可行之圯誠能優重農民勿擾勿害驅游惰之
人而歸之南畝十年以後倉盈庫積當非今日之比
矣自都邑至州縣皆設學校使皇子以下至于庶民
之子弟皆從事于學十年之後上知所以御下下知

所以事上上下下和睦又非今日之比矣能
是二者則萬目皆舉否則凡皆不可期也
五曰慎微
畧曰天下所以定者道有其宜人君不可不審也夫
審而後發則發無不中否則觸事而違或喜或怒色
見于貌言出于口人皆知之徐考其故必悔其失矣
是以先王潛心恭默不易喜怒其未發也雖至近莫
能知其既發也雖至親莫能移是
以號令簡而無悔則無不中節矣
書凡萬餘言既奏

蒙古主嘉納之衡多病蒙古王命五日一至中書至

是始聽歸懷孟

考元史許衡傳衡所上疏列為五條
續綱目刪作四事且節錄殊不明晰

今依本傳及王世
貞綱鑑會纂及輯

二月以賈似道平章軍國重事三日一朝治事都堂

似道上疏乞歸養帝命大臣侍從傳旨固留日四五

至中使加賜日十數至夜即交卧第外以守之特授

平章軍國重事一月三赴經筵三日一朝治事都堂

賜第西湖之葛嶺

在西湖北相傳葛洪煉丹于此故名

使迎養其中似

道于是五日一乘湖船入朝不赴都堂治事吏抱文

書就第呈署大小朝政一切決于館客廖瑩中堂吏

翁應龍宰執充位而已

似道雖深居簡出凡台諫劾諸司薦辟及京尹畿漕一

切事不關白不敢行正人端士亦罷殆盡更爭納賂求美職圖為帥閫監司郡守者直獻不可勝計一時

貪風大肆兵喪于外匿不以聞
民怨于下誅責無藝莫敢言者

三月以程元鳳為右丞相兼樞密使尋罷

賈似道恐元鳳侵權諷陳宜中劾罷之

夏五月丁丑朔日食

秋八月進封嗣榮王與芮為福王

以葉夢鼎

字鎮之
寧海人

為右丞相兼樞密使固辭不許

利州路轉運使王侂求遺澤夢鼎以為合與似
道以恩不出已罷省部吏數人夢鼎怒即求去似道

母賁似道曰葉丞相安于家食未嘗求進汝強授以相
印今乃牽制于此若不從吾言吾不食矣會太學諸
生亦上書言似道專權固位似道乃悔悟求解夢鼎
請去益力帝不許

冬十二月以呂文煥知襄陽府

蒙古阿珠剌整城白河口

此白河河南南陽府流入襄陽之河也注詳前方輿紀要

宋末元築城于白河
入漢之處故址尚存

劉整言于蒙古主曰襄陽吾故物由棄弗戍使宋得

竊築為強藩若復襄陽浮漢入江則宋可平也蒙古

主從之詔徵諸路兵命阿珠與整經畧襄陽阿珠駐

馬虎頭山

在襄陽縣西南

顧漢東白河口曰若築壘于此以

斷宋餉道襄陽可圖也遂城其地

呂文煥大懼遣人以蠟書告文德文

德怒且罵曰汝夢妄言要功賞亦假城耳襄陽城池
堅深兵儲支十年今呂六堅守果整妄作春水至吾
往取之比至恐道
去耳議者竊笑之

戊辰

四年

蒙古至元五年夏四月奪觀文殿大學士惠國公謝方

叔官爵

方叔以嘗為東宮官自豫章以一琴一鶴金丹一爐
獻帝似道疑其觀望再相諷諫官趙順孫等論其不
當誘人主為聲色之好欲謫之遠郡呂文德請以已
官贖方叔罪乃止奪官爵

秋九月蒙古阿珠劉整圍襄陽

劉整與阿珠計曰我精兵突騎所當者破惟水戰不
如宋耳奪彼所長造戰艦習水軍則事濟矣乃造船
五千艘日鍊水軍雖雨不能出亦畫地為船而習之

得鍊卒七萬遂築圍城以逼襄陽

冬十月戊寅朔日食

十一月行義役法


蒙古以和爾郭斯

舊作和禮
霍孫今改

為起居注

省臣言前代必有起居注故善政嘉謀不致遺失蒙
古主即以和爾郭斯為之

御批歷代通鑑輯覽卷九十三



總校官進士臣程嘉謨

校對官學錄臣常循

騰錄監生臣馬錦